

faleho, et fu cosa bellissima da vedere; et cussi fu finita la festa. Costa questo aparato al Re *cum* quello che Sua Maestà ha donato a li ambasciatori, più de cinquanta milia scuti.

192¹⁾*Exemplum.**Advisi avuti in letere di Cypro, dati
a dì 14 Octubrio 1518.*

Uno venuto di Alepo, parti a dì 16 Setembrio, referisse che l' campo dil Signor turco si atrovava a l' Eufrate lontano miglia 20 verso Alepo, capitano Peri bassà, con li duo bilarbei di la Grecia et Anatolia insieme *cum* li soi sanzachi et janizari 2300 et molti silitari et spachii, sichè in tutto ascendevano a la somma di 35 in 40 milia persone; che erano venuti de Craimia et da Merdin, de quelli che erano *cum* el Cairacuit circha 2000 homeni per tuor la paga; et dovendo haver de mesi 15, l' hano havuta *solum* de mesi 3.

Sono stà dati al governador de Alepo timari per dispensar del territorio di Alepo ducati 60000, et tuor homeni per restar in Alepo, et è stà tolto de quelli che erano venuti a Caraimia bona parte, et tutti quelli erano turchi de più paesi trati in Turchia per diversi paesi. Niente de mancho, el signor di Alepo era andato a la volta del deserto per prender 3 castelli de arabi nominati Ana, Adit et Elder, et era partiti dal campo de Peri bassà con homeni 1000 con quelli dil paese de Alepo et 3 sanzachi de la Grecia et con molte carete da bombarde sopra navilii per el fiume per andar a Bagadet, perchè erano reduti tutti i arabi a quelli 3 castelli, et se dicea che non poteva andar avanti, perchè a Bagadet erano gente dil Sophis et tutto el paese ben in ordine a la custodia de li soi passi e territorii.

In letere 26 Octobrio.

Come Peri bassà se trovava ancora a Albir con lo exercito, et non si sapeva ancor del ritorno de Carissa bassà signor di Alepo, quale cavalchè già molti giorni; ma, si tiene, non per altra causa el cavalcasse salvo contra arabi.

In letere 28 Octobrio.

Come, fino a dì 19 Octubrio se intendeva el signor Sophis atrovarsi in Tauris con exercito de 70

milia persone tra piedi et cavallo, tra i qual ne erano da 3 in 4 milia schiopetieri.

El ditto Sophis ha impedimento ne li confini di 192 Trabexonda d' Armeni, e cussi ne li altri soi confini da quelli di le barete verde.

In letere 8 Novembrio.

Si ha da Tripoli, di 5 Novembrio et 29 Octubrio d'Alepo, come più zorni e mexi per inanti quelli signori haveano mandato campo a la volta de Bagadet, dal qual, lontani ben 5 zornate, havevano expugnati alcuni boni castelli soleano esser in mano de' arabi, con strage et prede assai; ne li qual lochi havevano messi janizari 200 et altri 200 homeni con pezi 16 di artellaria, lassando quelli ben muniti; *adeo* che impauriti quelli de Bagadet feceno moto al signor suo.

Scurtinio di Baylo a Constantinopoli. 193

Sier Polo Nani, è di Pregadi, qu.	
sier Giacomo	37.112
Sier Francesco Bernardo, fo ai X savii, qu. sier Dandolo	34.114
Sier Antonio da cha' da Pexaro, fo soracomito, qu. sier Francesco .	14.134
Sier Zuan Antonio Morexini qu. sier Nicolò, da Santa Maria Formoxa	18.126
Sier Faustin Barbo, fo avogador di comun, qu. sier Marco	49. 97
Sier Barbon Morexini di sier Justi- nian	36.109
Sier Benelo Valier, fo oficial a le Ra- xon nuove, qu. sier Antonio . .	51. 97
Sier Zuan Vituri, fo proveditor in la Patria di Friul, qu. sier Daniel .	47.103
Sier Andrea Badoer el cavalier, fo Cao del Consejo di X	54. 90
Sier Vincenzo Barbaro qu. sier Berti, da Santa †	18.130
Sier Hironimo Malipiero, fo proveda- dor sora la camera d'impresidi, qu. sier Giacomo	21.126
Sier Marco Miani, fo podestà e capi- tano a Civaldi di Bellun, qu. sier Anzolo	9.140
Sier Mafio Michiel, è ai X savii, qu. sier Nicolò dotor, cavalier, pro- curator	26.122

(1) La carta 191¹⁾ è bianca